



Sermon
Kxf. Dr. Numlaajtsheb Yaaj

“Tsi Pub Ib Qhov Xuam Le”

Eight Sunday after Pentecost
Our Savior Lutheran Church
7-30-17

Thov txuj koobmoov txujkev hlub hab txujkev humxeeb pub rua mej suavdlawg lug ntawm Vaajtsv kws yog peb Leejtxiv kws yog peb tug Cawmseej Tswv Yexus Khetos. Asmees.

Yauhas 6:12 (Parallel Mathais 14:13-21) “Gather up the leftover fragments, that nothing may be lost – *Hab thaus suavdlawg noj tsau lawm, nwg has rua nwg cov thwjtim hastas, “Mej ca le moog sau tej kws suavdlawg noj tsi taag lug, tsi pub ib qho xuam le.”* (Cross reference – Mathais 14:20, Yauhas 2:2)


Illustration: “Hunger”

(Show hunger)



Cov dluab mej pum sau nuav puas nyuaj mej sab? Cov dluab nuav yog cov tuabneeg tshaib nqhe vim puab tsi muaj noj muaj haus. Vim lug ntawm tej tsvrog, tej qoobloo los cog tsi tau txhaj le ua rua tuabneeg tshaib nqhe txomnyem ntsuav. Qhov tu sab tshaaj plawg yog cov mivnyuas yaus kws raug txujkev txomnyem nuav. Cov mivnyuas tog ntsoov cov laug lug pub rua puab noj puab haus vim puab tseem yau puab tsi txawj lug moog ua teb, yos haavzoo losyog lug nrhav kev noj kev haus rua puab tug kheej. Puab yog cov xub tshaib nqhe.

Dlaim dluab nuav yog dlaim kws tu sab tshaaj plawg. (Show vulture eying a hungry child crawling)



Tug yeeg dlaim dluab nuav lub npe hu ua Kevin Carter. Nwg yog ibtug tub yeeg dluab xovxwm nyob rua South Africa. Xyoo 1993 nwg moog saib lub zog rua cov tuabneeg tawgrog nyob rua Sudan. Thaus nwg taabtom moog ncig lub “refugee camp - zog tuabneeg tawgrog” nyob nwg nov ib tug ntxhais lub suab quaj ib suab, vim tug mivntxhais nuav taabtom nkaag moog rua ntawm lub chaw kws puab pub zaubmov rua cov tuabneeg tshaib plaab noj. Mej pum hastas tug ntxhais nuav ib cev tsaug tsi muaj zug moog kev ces nwg yuavtsum maaj maaj nkaag zuzug. Thaus nwg taabtom yuav yeeg dlaim dluab muaj ibtug “vulture – libnyug”

yaas lug tsaw saib ntsoov yuav moog muab tug mivntxhais nuav tum noj ua nwg pluag su. Kevin Carter thaj pigkag ob peb dlaim dluab ces nwg moog muab tug “vulture – libnyug” caum yaas moog lawm. Peb tsi paub hastas sov tug mivntxhais nuav tseem muaj sa nyob tomqaab nuav los tsi muaj nyob lawm.

I. Cov kwvtij hlub hab movtshua, taagkig sawvntxuv nuav, koj noj dlaabtsi ua tshai? (Show breakfast)



Peb cov Moob, peb noj mov, zaub, hab nqaj. Cov hluas, tej zag puab nrug peb noj, tej zag puab noj cereal, haus kuas txivmaab, hab haus mig. Tej zag puab

tseem kuas nam hab txiv ua pancake, sausage, egg, bacon, bread hab nrug rua lwmyaam vim puab tsi noj le cov laug noj. Kuv yuav tsi has txug Thaibteb losyog Nplogteb lawm tabsis kuv has txug lub tebchaw Amesliskas nuav. Txij thaus mej tuaj txug lub tebchaw vaammeej nuav, mej puas muaj ib nub twg kws mej yuav has tau hastas mej tsi muaj zaub mov noj hab mej tshaib plaab le? Kuv ntseeg tau hastas txhua tsev yog koj moog saib tej tubyees, yeej muaj khoom noj haus tsi tu. Kuv ntseeg tau hastas mej yeej tsi muaj ib nub twg hastas, lwm pluag mov yuav lug qhov twg lug? **(Show different kinds of food)**



Koj puas tau muaj txujkev tshaib plaab huv koj lub neej le? Peb coob tug tsi tau ntsib losyog pum txujkev tshaib plaab nuav vim peb nyob rua lub tebchaws kws muaj noj muaj haus. Tej khw muaj khoom puv pawg lug, tej laj tej teb qoobloo muaj tsheej roob tsheej haav qoobloo tsi tu. Peb tsi paub zoo le tug mivnuas ntxhais kws nkaag moog rua ntawm lub chaw kws lwmtug yuav pub mov rua nwg noj. Vim peb muaj noj muaj haus, muaj seem muaj su, tej kws peb tshuav noj tsi taag los peb ca le muab povtseg. Yog peb ua tuabzoo saib cov kws peb muab povtseg ntseeg yuav

pub tau rau tsheej laab tug tuabneeg kws tsi muaj noj haus lawm. Yog peb txawj siv yaam kws Vaajtswv pub rua peb tej zag peb yuav paab tau rua lwmtug kws tsi muaj noj haus. **(Show 5 loaf and 2 fish)**



Nubnuav ntawm peb Txujmoozoo, Yexus nyob quastsawg sau roob hab quabqha tuabneeg txug txujkev cawmdlim. Nuav yog Yexus muab zaubmov rua puab noj rua ntawm saab ntsujplig. Yexus tsi yog muab zaubmov rua puab noj ntawm saab ntsujplig xwb tabsis Yexus kuj pum hastas tuabneeg yuavtsum tau zaubmov noj rua ntawm saab nqajtawv vim tuabneeg pib tshaib plaab lawm. Vim cov tuabneeg coob coob nuav puab lawv nwg qaab hab noog nwg tej lug qhuabqha tau ib nraab nub lawm. Thaus nuav cov tuabneeg pib tshaib plaab. Yexus txhaj le nug saib leejtwg

puas npaaj su tuaj. Muaj ibtug mivtub npaaj tau 5 lub ncuav hab 2 tug ntseeg. **(Show Jesus blessing)**



Yexus txhaj le siv Yexus lub fwjchim lug siv 5 lub ncuav hab 2 tug ntseeg lug pub tshaaj le 5000 tug txivneej (tsi suav cov quaspuj hab cov mivnyuas yau) noj tsau npo. Thaus puab noj tsau taag lawm, Yexus tsi tsi pub kuas muaj ibqhov xuum le, Yexus txhaj le hastas, “And when they had eaten their fill, he told his disciples, “Gather up the leftover fragments, that nothing may be lost – *Hab thaus suavdlawg noj tsau lawm, nwg has rua nwg cov thwjtim hastas, “Mej ca le moog sau tej kws suavdlawg noj tsi taag lug, tsi pub ib qho xuum le.”* (Yauhaas 6:12)

II. Peb ncu hastas muaj 5000 tug txivneej. **(Show collect left over)**



Peb ncu hastas Yexus muab 5 lub ncuav hab 2 tug ntseeg coj lug pub rua puab noj. Peb ncu hastas Yexus nug Philipis hastas, “Where are we to buy bread, so that these people may eat – *Peb yuav moog yuav ncuav qhovtwg, kuas cov tuabneeg txhaj le tau noj.*” (Yauhaas 6:5) Tabsis tomqaab cov tuabneeg noj tsau taag lawm, Yexus txhaj le hastas, “...nothing may be lost –... *tsi pub ib qhov xuum le.*” Thaus peb nyeem zaaj keebkwm nuav, peb yuav ncu ntsoov txug hastas Yexus yog tug pub. Peb yuav ncu ntsoov hastas, “give us this day our daily bread – *thov pub zaub mov rua peb noj*

nub nuav.” Peb yuav ncu txug Yexus lulug hastas, “...nothing may be lost –... *tsi pub ib qhov xuum*

le.” Peb muab peb tej zaub mov kws peb noj tsi taag xuum taag moog le puas yog? Tej lub sijhawm peb noj tsi taag huv peb lub phaaj. (Show food throw away in garbage can)



Tej zaag peb tseg rua tubyees ntev dlhau heev lawm ces tej zaub mov ntawd tuaj pwm losyog lwj lawm. Zaub mov tsi kim ces peb yuav ntau coj lug ca ca ua xiam taag xwb. The U.S. Department of Agricultural sojntsuam hastas peb muab zaub mov povtseg ntau npaum le caag. Cov xovxwm tau hastas peb muab zaub mov povtseg ¼ nyob rua tebchaws Asmesliskas nuav yog tej khoom noj kws tuabneeg muab povtseg. (Show football stadium)



Tej khw muag khoom noj haus muab puab tej khoom kws lwj hab tsi zoo lawm povtseg. Tej laab ua zaub mov noj los muab puab tej khoom povtseg vim puab ua tsi sav, tsi zoo losyog tej tug tuabneeg tsi tau yuav tej khoom noj ces puab ua yuam kev. Peb yuav khoom lug ca tsheej asthiv noj tsi txug ces muab povtseg. Peb yuav pizza lug noj taag ib nraab ces muab ib nraab ca ca tsheej asthiv ces muab povtseg vim tsi zoo noj lawm. Yog peb ua tuabzoo saib, muaj ibtug txivneej hastas, “Txhua nub peb muab khoom noj haus povtseg yog pov puv ntau npaum le lub football

stadium.” Kuv yeej totaub hastas tej khoom noj haus tej lub sijhawm yug yuav txwv tsi tau txujkev kws raug xuum lawm. Tej khoom kws xaa tuaj rua tom tej khw raug puamtsuaj ces yuavtsum tau muab povtseg. Tsuag hab tej ntsaum losyog lwm yaam tsaj lug muab noj cov khoom kws muab khaw ca rua tej lub tsev. Txawm zoo le nuav los peb yog tuabneeg peb yuavtsum ceevfaaj hab txwv le kws peb txwv tau tsi txhob pub xuum le. (Show 12 basket left over)



Yog le ntawd thaum Yexus pub mov rua 5000 leej noj taag Yexus txhaj le hastas, “Gather up the leftover fragments, that nothing may be lost – *Hab thaus suavdlawg noj tsau lawm, nwg has rua nwg cov thwjtim hastas, “Mej ca le moog sau tej kws suavdlawg noj tsi taag lug, tsi pub ib qho xuum le.”* (Yauhaas 6:12) Thaus cov thwjtim moog sau taag lug puab sau tau 12 thoob tseem tsi tau noj. Yog vim le caag txhaj le tshuav 12 thoob ncuav tsi tau noj? Yexus yuav muab ua le caag? Vim ib cov tuabneeg tuaj dleb heev tuaj puab yuav xua kuataw rov moog tsev. Thaus puab moog

lawm, puab yuav tsi muaj dlaabtsi noj. Cov ncuav nuav yog tseg rua cov kws moog dleb puab txhaj le muaj noj hab puab txhaj le tsi tshaib.


III. Cov kwvtij hlub hab movtshua, koj puas tseg cov ncuav seem rua lwmtug kws tshaib plaab nubnuav? Yexus hastas, “...nothing may be lost –... *tsi pub ib qhov xuum le.*” (Show Pharaoh dream)



Yexus qha peb yog muaj ob lub ntsab lug. Lub ntsab lug **thib ib** yog lulug hastas, “...nothing may be lost –... *tsi pub ib qhov xuum le*” yog qha kuas koj txawj saib txujkev noj haus kuas tsi txhob muaj kev xuum le. Koj puas ncu txug zaaj keebkwm ntawm Chivkeeb tshooj 41 qha txug Falaus ua npau suav txug 7 tug nyuj ntxaug muab 7 tug nyuj rog nqog huv tuabsi lawm. 7 naab nplej npluag muab 7 naab nplej puv nqog lawm. Yauxej txhaj le txhais zaaj npausuav hastas, 7 tug nyuj rog hab 7 naab nplej puv yog 7 xyoo kws yuav muaj qoobloo zoo. 7 tug nyuj ntxaug hab 7 naab (Show Joseph storage of grain)




nplej npluag yog txhais tuabyaam vim yuav muaj 7 xyoo tsi muaj qoobloo vim lub tebchaw yuav ua tsi tau noj haus. Yauxej txhaj le has rua Falas hastas, "...gather all the food of these good years that are coming and store up the grain.... That food shall be reserve for the land against the seven years of famine..... – *khaw txhua yaam zaub mov rua cov xyoo kws zoo hab muab nplej khaw tseg ca ... Cov zaub mov nuav yog yuav siv rua lub sijhawm xyaa xyoo kws tsi muaj noj haus.*" (Chivkeeb 41:35-36) (Show Proverb 6:6-8)




Vaajntxwv Xaulumoos sau ntawm Paajlug hastas, "Go to the ant, O sluggard; consider her ways, and be wise. Without having any chief, officer, or ruler, she prepares her bread in summer and gathers her food in harvest – *Mej cov kws tubnkeeg, saib rua ntawm cov ntsaum; puab ua le caag hab ca le muaj tswvyim. Puab tsi muaj tug thawj coj, cov thawj, losyog tug tswj puab, nwg npaaj nwg tej zaub mov rua thaus caij ntuj suv hab sau nwg cov zaub mov rua thaus caij sau qoobloo.*" (Paajlug 6:6-8) Xaulusmoos has ntxiv hastas, "Precious treasure and oil are in a wise

man's dwelling, but a foolish man devours it – *Muaj khoom zoo hab roj nyob rua tug ntse lub tsev, tabsis tug ruam muab noj haus taag.*" (Paajlug 21:20) Yexus qha hastas, "...nothing may be lost –... *tsi pub ib qhov xuum le.*" (Yauhaas 6:12)

Lub ntsablug **thib ob** yog Vaajtswv qha kuas koj yuavtsum txawj paab rua tug kws paab tsi tau nwg tug kheej. Nuav yog cov paab rua tuabneeg txomnyem. (Show Psalm 82:3-4)




Vaajntxwv Daviv sau hastas, "Give justice to the weak and the fatherless; maintain the right of the afflicted and the destitute. Rescue the weak and the needy; deliver them from the hand of the wicked – *Ca le muab kev ncaajnceeg rua tug paab tsi tau nwg tug kheej hab cov kws tsi muaj leejtxiv; muab kev zoo rua tug muaj mob hab tug txomnyem. Paab tug ua tsi tau hab tug txomnyem, ca le cawm puab ntawm cov tuabneeg sab phem txhaisteg.*" (Nkauj Qhuas Vaajtswv 82:3-4) (Show Deuteronomy 15:7-8)



Mauxes cov kevcai sau hastas, "If among you, one of your brothers should become poor, in any of your towns within your land that the LORD your God is giving you, you shall not harden your heart or shut your hand against your poor brother, but you shall open your hand to him and lend him sufficient for his need, whatever it may be – *Yog hastas muaj ibtug ntawm mej, yog mej tug kwvtij muaj kev txomnyem, muaj nyob huv mej lub zog losyog ze mej tej lajaav kws tug TSWV kws yog mej tug Vaajtswv kws muab rua mej lawm, mej yuavtsum tsi txhob ua lub sab tawv losyog txwv mej txhaisteg tuaj xub mej tug*


kwvtij txomnyem, tabsis mej yuav qheb hlo mej txhaisteg rua nwg hab txais rua nwg kuas nwg muaj txaus nkaus, txawm yuav yog le caag los xij." (Kevcai 15:7-8)(Show leave for the poor)



Levis Kevcai sau hastas, "And when you reap the harvest of your land, you shall not reap your field right up to its edge, nor shall you gather the gleanings after your harvest. You shall leave them for the poor and for the sojourner: I am the Lord your God – *Thaus mej hlais nplej ntawm mej tej lajaav, mej tsi txhob sau moog txug ndlua ntawm mej tej ceg kaum teb, losyog hlais cov nplej kws seem tomqaab mej sau. Mej yuavtsum tseg rua cov tuabneeg*

txomnyem hab cov tuabneeg txawv tebchaws." (Levis Kevcai 23:22)

Yog le ntawd peb yuav ua le caag? Vim muaj tuabneeg txomnyem hab tshaib nqhe ntau heev le nyob rua lub nplajteb nuav – peb yuav paab tau le caag? Yog peb yuav paab ntseg paab tsi taag le. Peb naj nub pum mivnyuas tshaib nqhe huv TV, tsua pum mivnyuas tshuav pobtxhaa rua puab lub cev hab tsua nov tej koomhum thov nyaj taag moog le. Peb txais tej ntawv thov kuas xaa nyaj moog paab. Txawm peb tub paab lawm los tej ntawd ntawd pheej tuaj tsi tseg le. **(Show Jesus fees 5000)**



Puas yuav muaj nub kws paab tau zaub mov rua cov txomnyem kuas txaus nkaus le? Filipis txhaj le has rua Yexus hastas yog siv nyaj lug yuav ntshe yuav siv yuav laug ib lub xyoo kev khwv nyaj txhaj le yuav txau yuav mov rua cov tuabneeg ntawd noj. Tug mivtub tsua muaj 5 lub ncuav hab 2 tug ntseg xwb yuav ua le caag muab txaus rua cov tuabneeg 5000 leej nuav noj? Thov ca le tso cov tuabneeg moog tsev. Mathais sau hastas, “you give them something to eat – *mej ca le muab mov rua puab noj*” (Mathais 14:16) Yauhaas sau txug Yexus hastas, “Have the people sit down – *Kuas cov tuabneeg suavdlawg nyob quastsawg.*” (Yauhaas 6:10)



Thaus tuabneeg pum cov mivnyuas yau kws tshaib nqhe, tuabneeg yuav nug hastas, “How could God let this happen? If there is a God, how could he let people starve – Yog vim le caag Vaajtswv txhaj le ca tej nuav muaj tshwmsim. Yog muaj Vaajtswv, ua le caag Vaajtswv ca tuabneeg tshaib nqhe?” Tuabneeg nyam lam Vaajtswv. Tuabneeg xaav hastas, ca Vaajtswv tuab nyem ntivteg xwb ces txhuayaam puavleej zoo lawm. Tabsis Yexus hastas, “you give them something to eat – *mej ca le muab mov rua puab noj*” (Mathais 14:16) Vaajtswv tub muab yaam kws zoo kawg nkaus rua peb lawm. Peb muaj aav zoo kws cog tau qoobloo zoo. Vaajtswv tub pub lub nub, pub naag hab pub txhuayaam rua peb kuas peb ca le txawj siv yaam kws Vaajtswv pub rua peb coj lug moog paab lwmtug. Yog peb tsi txhob muab tej zaub mov kws peb tsi noj ntawd povtseg tabsis coj moog paab rua cov txomnyem ces peb yuav paab tau lwmtug. **(Show John 13:34)**



Vaajtswv txujlug qha hastas, “For you always have the poor with you – *Mej yeej muaj cov txomnyem nyob nrug mej.*” (Malakaus 14:7) Lub nplajteb nuav yeej muaj kev txhum nyob moog taag le. Peb yuav muaj ntuj qhuav, kev ua rog, aav qeeg, hab nomtswv txujkev coj tsimtxom phem. Tabsis Vaajtswv hu koj hab kuv lug ua cov ntsev lag hab lub teeb ci rua nplajteb. Peb yuavtsum tau pub rua cov txomnyem. Yexus txhaj le hastas, “just as I have loved you, you also are to love one another – *rua qhov kuv tub xub hlub mej lawm, mej yuavtsum ibleeg hlub ibleeg.*” (Yauhaas 13:34) Yexus qha rua peb hastas nwg txujkev hlub luj npaum le caag kws yog nwg moog rua ntawm tug ntoo khaublig theej peb txujkev txhum. Lub nplajteb yuav muaj tej kev tsi zoo tabsis Yexus tub cawm peb ntawm Nwg tug kheej lawm. **(Show transformation)**

Txawm peb nyob rua lub nplajteb tsi zoo los peb yuav paab rua txujkev kuas “...nothing may be lost – ... *tsi pub ib qhov xuum le.*” Peb yuav paab tau rua txujkev zoo xws le nuav.



Zoo le nuav



Thov kuas Vaajtswv Txujlug pub rua peb suavdlawg totaub hab tau nyob kaajsab lug rua ntawm Tswv Yexus Khetos lub npe. Peb txhuatug kws yog Vaajtswv cov mivnyuas peb suavdlawg has: Asmees